

重修龍陽縣志

第八册 卷之十五

職官二

名宦 政蹟附

漢

蕭 系相國何之孫封武陵侯 通志作侯

陳 署漢王元年從起灞上為謁者高帝九年封龍陽敬

侯 漢書 案前漢書作龍陽考漢書地志無龍陽縣名史記作龍東以爲廬江之龍舒縣未詳孰是

王 堂武陵太守建武五年岑彭遣偏將軍屈充移檄江

南頒行詔命堂暨桂陽太守張隆零陵太守田翕長沙

龍陽縣志 卷之十五 職官二 名宦 一

相韓福等遣使貢獻悉封列侯江夏之珍始流通焉 後漢書

李 進武陵太守永和十中澧中漢蠻反圍充縣進討破之

在郡九年簡遷良吏得其情和梁太后下詔增進秩二

千石 後漢書

應 奉南頓人武陵蠻詹山等反永興元年拜奉武陵太

守到官慰納山等悉降散在郡興學舉側陋有政稱坐

公事免廷熹中蠻再亂以荊州車騎將軍馮緄薦拜從

事中郎勤設方畧破賊緄薦為司隸校尉 後漢書

陳 奉廷熹中武陵太守蠻攻郡大破蠻眾降之 一統志



吳 康吳郡人光和元年遷武陵太守轉守桂陽所在稱
之 後漢書

關 羽解人獻帝時封漢壽亭侯從先主收江南諸郡後
拜羽董率荊州事 蜀志

晉

王 虞字世將武陵侯 晉書

六朝

王鎮惡猛之孫以功封漢壽子 宋書

檀道濟高平金鄉人仕宋封武陵郡公 宋書

沈林子字敬士吳興人高祖時以功封漢壽伯 宋書

龍陽縣志

卷之十五

職官二

名宦

二

鄭鮮之字道子滎陽開封人武帝時以功封龍陽五等子 府志

劉 俊彭城人武陵內史郡南江古隄久廢不緝俊修治
未畢江水至百姓奔走俊親率厲之於是乃立後帶郡

還都吏民送者數千俊人人執手係以涕泣百姓感之

南齊書

蕭會基南陵人武陵內史無所蓄積 南齊書

樂 藹字蔚遠南陽清陽人廣之六世孫仕南齊為征北

刑獄參軍遷龍陽相時豫章王嶷為武陵太守雅善藹
為政治園樹桃李去後百姓愛之不忍剪伐因名樂舍

國後爲驃騎將軍參荊州刺史梁天監初遷御史中丞

終廣州刺史梁書本傳

陶 遂起家爲龍陽長素有清潔之行其妻於月下紡績

買紙筆寄之杜絕請謁計日受俸績聞州郡府志註陶氏家傳

蔡道恭字懷儉南陽冠軍人梁天監初以功封漢壽縣伯

府志

劉 緬字元長與弟績緒並有異才清德梁高祖時官御

史中丞以勁直聞帝命圖像臺省後官武陵太守昭明

太子尤重之梁書

蕭 焱太祖子宋末爲武陵內史諸蠻反至郡城下遣張

龍陽縣志 卷之十五 職官二 名宦 三

莫兒擊破之南齊書

隋

喬難陀開皇中朗州刺史修純紀陂今名曰白馬陂利不

減鄭白二渠通典難陀府志作南陀誤

唐

胡處立光宅中朗州刺史開永泰渠通漕且爲火備唐書

李 璣朗州刺史開元中修北塔堰接古尊陂由黃土壤

注白馬湖分入城隍及故永泰渠溉田千餘頃唐書

呂 諲河東人上元初拜澧朗等五州節度使始建請立

南郡於是更立江陵府通志

第五琦長安人爲朗州刺史有異政唐書

章夏卿大歷五年朗州刺史治故槎陂溉田千餘頃唐書

宇文宿朗州刺史永貞元年沅水泛溢壞廬舍明年大旱巷鮮居人宿請於廉使條白上聞詔賜廩粟遍及閭里

民慶生活通志

劉禹錫中山人謫朗州司馬州接夜郎夷風陋甚乃作竹

枝十餘篇擬屈原九歌於是武陵夷俚悉歌之唐書

李翱隴西人長慶初朗州刺史因故漢樊陂開渠溉田

千一百頃名考功堰翱以尙書員外郎出爲刺史故名

唐書本傳

龍陽縣志

卷之十五

職官二 名宦

四

溫造邠人長慶二年朗州刺史開復鄉渠百里溉田二

千頃民獲其利號右史渠造以起居舍人出爲牧故名

唐書溫大雅傳

宋

師頴知朗州有操尙以簡靜爲治朗人便之通志

張鑑范陽人咸平中知朗州溪蠻寇擾乃召僧豪諭以

威信皆聽命通志

梁倩襄陽人天聖中鼎州團練推官覆舟宿民間主出

金爲裝不受裂衫裏赤兒去有疑獄白州爲上其狀得

不死考滿以司理參軍雍規母老請使者薦規以故復

爲節度使推官

通志

張 覺福州人知鼎州奏五州弓弩手廢闕請募溪峒兵

加習練詔從之

通志

岳 飛湯陰人權知潭州兼荆湘東路安撫總管湖賊楊

么寇擾飛與都督張浚約八日內破賊浚曰何言之易

飛曰因敵將用敵兵奪其手足離其腹心八日之內當

俘諸囚遂如鼎州黃佐招楊欽降飛表授欽武義大夫

遣歸說余端劉銑等降其眾么迎戰以輪舟擊水官舟

不利乃伐君山木爲巨筏塞諸港汊以腐木亂草浮上

流而下擇水淺處遣善詈者挑之賊怒來追木撞其舟

龍陽縣志

卷之十五

職官二 名宦

五

港塞無所奔么投水牛泉禽斬之果八日而賊平又嘗

追楊么至縣北揚旗皆大破之

宋史

程昌寓紹興中知鼎州兼鼎澧鎮撫使時楊么楊華爲寇

境內騷動乃傳檄勒兵以禦之境內以安

通志

李 燾字仁甫眉州丹稜人紹興進士初政和末澧辰沅

靖四州置營田刀弩手募人開邊范世雄等附會擾民

建炎罷之乾道間有建請復置者燾爲轉運使嘗奏不

當復已而提刑尹機迫郡縣行之田不能給適燾改官

常德知府至是又申言之請度田立額且約帥臣張栻

列奏詔從之境多茶園異時禁切商賈率至交兵燾曰

官捕茶賊豈禁茶商聽其自如訖無驚燾後仕至直學士贈溫國公謚文簡宋史

張運貴溪人紹興中通判鼎州與太守程昌寓勒兵登城控扼上下以張其勢賊宵潰澧賊雷德進稱亂遣將梁吉等擣其巢破四十二柵降之宋史

呂午字伯可舊志作伯仲歙人嘉定四年進士知龍陽豪民

陶守忠殺人正其獄誅之時史彌遠雖非賢相猶置人才簿書賢士大夫以待而午治縣之政亦書之宋史

凌景夏餘杭人紹興中知鼎州奉乞放免程昌寓所增蔡州官兵衣糧六萬四千餘緡通志

龍陽縣志

卷之十五

職官二 名宦

六

王樞紹興中鼎州丞茶寇騷擾道路不通有欲焚山絕

茶或欲官自便賣樞建議為長短引以便負販至今賴之通志

郭份新淦人通判常德靖獠干犯王師討之份主督運

山行艱水道塗遠乃運輕裝淺舟水陸並進軍以不乏

通志引朱子撰墓志

彭漢老廬陵人知常德府豪民劉庾誣僕為盜鞫得其情

僕免死通志

鮑粹然處州人知常德府俗尚妖祠用人於淫昏之鬼閻他訟見民有橫死者疑為祭鬼覈伏其辜焚祠毀像由

是訖息

通志引真德秀墓志

劉邦翰乾道八年知常德府言江北之民困於酒坊至貧之家不捐萬錢不能舉一吉凶之禮乃檢乾道重修敕令申嚴抑賣之禁通志

王 銖紹熙元年知常德府奏沿邊城砦官廩祿給不以時弓手戍卒糧食屢月不支迫於饑寒侵漁蠻獠致啓訟釁乞敕州軍按月廩給庶城砦官兵有以存濟緩急之際得其宣力通志宋史

桂萬榮知常德府盡心民事尤精刑獄通志

趙與震永嘉人常德推官郡守上薦莫適予集僚於署闔

龍陽縣志

卷之十五

職官二

名宦

七

而昇之與震獨稱疾不往通志

龔日升咸純五年知常德府除苛政寬徭賦興學校歲旱

禱雨霖隨車至

通志

畢祖高府教授經指授者皆爲名儒

通志

元

和尚玉耳別里伯牙吾台氏從圍潭洲三月城破李芾守城死諸將欲屠之和尙曰拒師宋將耳民何罪平章阿里海牙意與合人賴以全授常德路達魯花赤以治績

聞

通志引元史

別因乃蠻部人世祖至元十六年進宣威將軍常德路

副達魯花赤會同知李明秀作亂單騎往招之諭以朝廷恩德明秀遂與俱來聞於朝明秀伏誅賊遂平通志元

哈 珊常德郡監有善政每歲運輸民艱於肩荷乃從北

門外至潛水十五里開河以便之歲旱復得以溉田民

賴其利通志

倪德政蘇州人至元間以常德路總管兼尹事朝廷命造

戰艦二百餘艘仍令運餉德政委官輦材於所產造舟

如數又私僱買人巨艘以運餉事集而人不告勞通志

李秉彝字仲常大都通州潞縣人由湖州總管徙常德住

龍陽縣志

卷之十五

職官二

名宦

八

江泛溢立隄櫃以制湍浪民免墊溺官種柑橘五百株

以代民貢歲歉黜同僚議不俟命開倉救饑者郡人立

碑以頌遺愛

開邪公家傳

案通志引宋史載李秉彝常德人爲本府太守考宋史無秉彝傳或

誤以元爲宋

苗 益安慶人初知龍陽州值洞寇侵掠歲且饑僅益請

於朝以所受宣命貸鈔三十餘錠賑之遂陞常德路總

管統志

薛以禮監利人爲龍陽督戎總管有惠政民愛之如慈父

母元末死節後籍居常樂里元孫俊登進士舊志

段 冥元末官龍陽牧有才幹多所創立舊志

明

張子俊洪武初知常德興學延師選俊秀入學教育之舉

鄉飲酒禮使民知禮義通志

錢夢松龍游人洪武中常德同知修治隄圍親操版築郡

人德之立祠隄上

應履平奉化人永樂中知府舊賦麥為稅奏以非土產請

易以米詔許之通志

朱縉餘姚人景泰中知府尙德省刑均徭薄賦民愛戴

之通志

楊宣樂安人成化中知府葺公署修學校作興士類人

龍陽縣志

卷之十五

職官二名宦

九

皆感勵通志

王績華亭人成化中知府持身峻潔人不敢干以私歲

大旱禱龍門洞洞幽邃莫測績繼而下必窮其處乃大

雨士民感悅通志

歐陽恂安福人正德中知府大水決隄悉心修築通志

王禾宛平人正德中知府質直嚴明榮王始之藩內侍

多所求索少拂意則加窘辱禾曰庫府皆財欲則取之

剥民以悅人吾不能也竟不能奪通志

馮傑涿州人正德中知府身親案牘不假諸吏人皆稱

服遷四川副使死流賊之難

方 仕固始人嘉靖中知府固隄防籌積貲請蠲租十之

七郡人德之通志

陸 州海甯人嘉靖中知府時朝廷鼎建三殿木運孔棘

使者乘勢為奸利州調停差撥陰折其牙角屬邑賴以

無苦通志

張師繹南直人萬厯中知府下車課士擇俊秀為鼎社時

稱其如雪月冰壺表裏俱徹通志

胡 琮長洲進士初任御史以言事謫知麻城成化十五

年任本府同知性剛勁遇事剖析如流清理軍政嚴而

不苛值屬邑旱澇龍陽圍隄尤甚極力賑卹旋奏請免

龍陽縣志

卷之十五

職官二名宦

十

租稅十之七龍陽人立祠祝之琮自題其門云掩去無

人敲暮夜開來有腳走陽春舊通志

蕭騰鳳字岐陽晉江進士累官知府事創建治前鼓樓白

鶴池古蹟禮士愛民郡人稱其清操舊志

鄔鼎龍萬厯庚戌任判事厯署桃源龍陽武陵兼署府事

明敏善斷利濟為多舊志

陳志明永樂八年為郡別駕首修郡志具見史才舊志

智幾先萬厯間任府推官理刑無冤有于定國風奸蠹斂

迹搜羅才俊郡人士興起清操特著舊志

蔡 悉合肥人嘉靖中府推官築郭外六隄以免水患通志

方大美桐城人萬歷中推官廉潔愛民政多卓異通志

歐陽超嘉靖中知縣振興文教改建儒學科名日盛邑人

立石紀其事通志案府志邑續志歐陽超均入訓導一類必有一誤

阮文中南昌人整飭辰沅兵備副使居官持大體尙廉潔

爲民興利後巡撫貴州卒於官所屬府州縣祀焉舊志

韓瑄德州人宣德間知龍陽縣撫恤惇養修舉廢墜政

績著聞陞武昌知府舊志

李泰新城人官龍陽知縣廉慎自律聽訟不遺隸卒合

投牒者自行呼攝部使者薦其能陞本府同知舊志

龍陽縣志 卷之十五 職官二 名宦

黃珂字鳴玉成化進士知龍陽縣事爲政有方歲荒請

於當道得銀萬餘兩賑恤窮民興學校理冤滯陞南京

右都御史累官工部尙書

周泰新甯人成化間知龍陽縣治尙寬恕興賢勸農城

池縣署學校衢道百廢俱舉舊志

李南臨四川人宏治間知龍陽縣事政尙簡靜先是稅糧

收於解戶暴加火耗公設立櫃於縣堂廡下使民自輸

宿弊悉除

宋澄萬歷壬子知龍陽善政最

府志

黃師表萬歷間知龍陽政多卓異

名宦府志

薛 炳雲南前衛舉人任龍陽縣有才幹治尙威嚴益陽諸豪併龍土者累裁却之使不得肆舊志

董 宋四川中江人知龍陽縣敷政寬平時有火殃應禱即熄舊志

賀 沂江西廬陵人嘉靖時知龍陽縣鏡意均糧行日支法與民節省民甚德之立石儀門左以志去思舊志

王 珂遂甯進士萬曆時知龍陽縣為政嚴明以文章飾吏治躬課諸生常有優禮士翕然知學修城丈田俱不擾民歲大旱珂請於朝得賑萬金多所全活任九載召為監察御史歷官南京禮部尙書子華登進士舊志參府志

龍陽縣志

卷之十五

職官二、名宦

十三

喻 政萬曆間進士知龍陽縣事慈祥愛民居官以清白

自勵請託無所行邑自兵燹後土田多蕪公招撫流亡桑麻遍野邑西當孔道抵滄口積水塌沒西湖中冠蓋

停驂負戴病涉公作長堤五十餘丈至今公私利之舊志

吳孩存湖口人崇禎時以拔貢授龍陽令優於才深得治

體有發奸摘伏之明嘗片言折獄於堂上立就判牒人服其神修濬城池採買糧米一無所擾不屈於權要時

復詩酒自豪舊志參府志

顧 璠長洲人正統時官龍陽教諭有文行勤於訓課士

樂師之舊志

楊文升鄱陽人正德時官龍陽教諭富文學端師範後陞

本府同知

舊志

韓立貴州舉人官龍陽教諭性純學優訓迪不倦

舊志

鮑士奇樂平人官龍陽教諭學行高古教法精明

舊志

劉孔暉字默菴邵陽人天啓孝廉以崇禎丁丑任龍陽教

諭砥行勵節卻諸生贄給貧士膏火建修學宮明倫堂

著有滄浪集閱五載陞新鄭令當楚豫擾攘之會以孤

城抗闖騎及陷猶巷戰尋罵賊死贈尚書卿祀名宦龍

陽門人楊芳從孔暉赴難識者謂殉節於新鄭實自講

學於龍陽始

舊志參府志劉何升傳見藝文

龍陽縣志

卷之十五

職官二

名宦

十三

嚴逢正德時官龍陽訓導律身端謹優於文學名士多

出其門後赴禮部以疾卒於途

舊志

王斌瓊山人正統間任龍陽縣丞存心愛民嘗修園隄

不辭勞瘁務為堅厚隄成民歌曰王父母築園隄人落

業我無饑

舊志並見統志

胡一夔興文人萬曆中龍陽縣丞天啓中奢崇明反被執

不屈死

湖南通志

吳懋章魏迪熙吳錢塘人為龍陽縣丞魏汀洲人為縣尉

崇禎十六年冬獻賊將破邑吳魏嘗謀守禦不克誓曰

余兩人惟一死耳賊逼不屈掠其藏茂有乃縛至龍潭

橋並刃殺之噫丞尉末員不甘苟活惟化野燐雨夜間
良可悲也舊志

青文勝字質夫蜀大甯人洪武初由明經任縣尉縣地低
窪民苦逋賦元末遺冊稅額浮至三萬七千石連年水
澇盡委洪流徵輸累合文勝董築隄役數潰不就詣闕
疏凡三上不報歎曰何面目歸見父老洪武二十四年
五月初一復具疏擊登聞鼓以進遂自經於鼓下上命
馳抵龍陽覆之至則四望瀰漫浮桴掠水得腐禾以進
乃蠲免積欠并免浮額二萬四千餘石止以一萬三千
為額時公年三十三一僕裹尸還龍子零方七齡貧不

龍陽縣志

卷之十五

職官二 名宦

十四

能歸遂家焉知縣周泰從士民請度地立祠萬曆十四
年詔有司春秋致祭名其祠曰惠烈明史參府志

舊志疏稿久失存其數句云月明五夜愁天旱雨落
三朝怕水淹地有半年不見天人半年不見地魚
行輦走路三年雨不收楚省之田地未有窪於龍陽
者後士民張聖經等請免其子孫雜徭差務撫憲周
公嘉其人心之厚風俗之純云

案舊志失收奏稟今謹從青氏家譜中搜得之亟為
登列於左

為代民籲恩伏邀聖鑒事竊以位卑言高罪有難追代

庖越俎咎亦匪輕今小臣職屬微員官居末吏愚頑不自量卑賤不自知欲於小邑試以牛刀堪笑大道用爲雞割上冀皇恩之大沛下恤民庶之多艱敢獻鄙言欽邀聖聽憶昔躬逢簡命典史茲土初見人多鶴而民盡鳩形每逢水旱凶災奉使查勘盡是谿徑石田湖陂澤地南陟金牛山一望則巨麓千層關巖谷以成田月明五夜愁天旱北涉洞庭湖一望則波濤萬頃築泥沙而作障雨落三朝被水淹南村畝庶耕破隴頭雲深懼一輪紅日鋤殘天上月又怕萬點明星北境農民障截長江水依然一派銀河樹植宅下桑屢成千林玉兔塵走

龍陽縣志

卷之十五

職官二

名宦

五

郊原二歲莫能再稔魚行陸地三年難獲雨豐是以庚癸燬呼饑饉屢告豈水毀金饑偏至此地實谿阡澤陌難繼吳天故啼饑之子婦悲於室中號寒之老寡嗟於道上既已救荒無策加之催科之吏雜嚴亦知抗賦有刑甚至畏罪之人自斃囹圄中盡饑民輸將者非富室地本彈丸賦如大邑田非肥美稅重膏腴欲救饑而納賦無資欲納賦而救饑莫措民命難堪天鑒惟聰誠惶誠恐謹以上聞洪武二十四年五月初一日

案公此奏當時膾炙京師流傳區宇以爲奇人奇事及考邑志僅錄月明五夜雨落三朝及魚行塵走數

語他未悉也蓋先祖抗疏時獨攜一僕至三上不報
自盡登聞鼓下奏章已爲當事搜去高帝於髮際得
其一藁明史亦闕筆焉後閣家乘得茲藁亟爲鈔出
付諸志局以備收刻蓋前此疏未流傳經兩次修志
均以不獲疏草爲憾一旦補吾先澤之疏漏殆惠烈
公之靈有不可泯滅者矣

十七派孫邑增生青
聲駿通堂氏謹跋

國朝

但明倫湖北人道光初任岳常澧守道廉幹仁恕邑人有
訟牒徑陳者手自批決不淹時日三州郡至今頌之

倉景愉河南人咸豐初任岳常澧守道有惠政曾自省城

龍陽縣志

卷之十五

職官二
名宦

六

運米數千石賑卹龍邑被水饑黎現任雲南布政使

何玉棻漢川人任岳常澧守道時值武陵龍陽水災大圍
隄衝潰數處上游委勘議建石磯於沅流當衝處兩邑

民方爭訟工幾中廢公盡心籌畫事賴有成至今隄垸
鞏固邑人頌德焉

楊翰字海琴新城人同治初任岳常澧守道曾捐俸金

於邑西西竺山寺修飭洗墨池古蹟楊公書法奇秀詩
筆雅近眉山宦囊蕭然好提唱風雅於道署東創建壽
蘇閣自題扁額楹聯東坡生日輒偕名流酌酒爲壽惟
龍陽墨池俗傳爲唐人張旭故蹟謠傳已久其應歸之

徵士伍朝公或未及考也

劉舜濟臨桂舉人順治七年以工部虞衡司郎中知府事郡亂後人民流離招集撫恤民甚德之龍陽人為立生祠操守清潔無以為歸解組後隱武陵山中黃童白叟親敬如父母著有竹香亭詩集舊志

胡向華字光岳兩當人由永州府同知陞任郡事承明季亂後諸事廢墜甫下車捐建明倫堂助修武龍兩縣學置山川社稷壇招集流徙使復業釐剔徵收人無敢為奸已乃治公署增修城樓及沅江隄塍禮延紳士賀奇纂輯郡志校讐捐刊締造之功於斯為大舊志

龍陽縣志

卷之十五

職官一 名宦

七

王

詡詩一作

字納言號芝溪蓬溪縣舉人康熙三十九年

知府事聽斷明敏案無留牘歲旱露禱逮饑奏請蠲卹災黎龍陽大圍隄久潰詳請修築壬午冬提督出撫苗駐鎮草郡中倉卒兵噪詔夜坐臨轅門大聲呼曰

朝廷負若耶大帥負若耶百姓負若耶知府與民一體若欲蹂躪百姓知府實當之辭氣慷慨亂兵悉解散事後止誅首禍者平時課農桑興學校周饑寒茹蘖飲冰一以民事為急蒞任七年解組去士民籲請督撫畱之舊志

藝文

王葉滋江蘇上海進士雍正五年知府事郡邑連遭大水

請帑增築武龍沅隄防先後又修花苗堤新陂橋各處
武邑宿郎堰古障潰不可築履勘詳請豁免額糧三百
餘兩沅邑譙氏八世同居詳請

旌表持身廉潔風厲特著陞辰沅道

舊府志

呂又祥沐陽人乾隆中官常德知府吏事明敏訟至立判
手書循理二字揭之廳事戒所屬毋操切晝接僚佐夜
治官書時延禮名宿郡人德之祀之春申君祠嘉慶時
有呂士澤者來守常德即又祥孫也

孫鑿山西太原人嘉慶六年守常德府性慈惠好獎誘
士類修郡學宮建育嬰堂悉分俸親為部署衣粗食淡

龍陽縣志

卷之十五

職官二名宦

六

自奉儼如寒素壬戌夏彌月不雨步行祈雨於龍門洞
因中暑致病卒於署貧無以殮僚屬紳士為經理其喪
始歸里焉

舊府志

應先烈嘉慶時任常德府性情剛正懲勸有方尤以文獻
自任督修闔郡府志二十餘卷捐郡城育嬰堂經費生
息銀四千兩歲活孩赤數百人民間稱子女曰應卒於
安順知府任二十四年

祀名宦

葛天柱字禮山介休人道光二十四年任常德府知府廉
惠愛士所拔識多知名修建合郡當衝隄防數次郡所
屬四邑丁糧徵收正耗及採買官穀胥吏私有增剋力

革之

景 星字晴園漢軍正紅旗人性情雅潔咸豐初合桃源
尊禮儒士表彰名蹟著有詩草癸丑署常德知府為政
清簡刻江南人徐布衣詩甲寅粵寇自武昌來攻偕協
戎富某等守禦力竭城陷與富均殉節 贈卹如例

葆 亨字芝岑長白人咸豐初署府事恩威並用勘龍邑
水災民沾實惠懲創地棍不化者置重典風教一新

暉世臨字次山陽湖人咸豐己未任常德知府風節清梗
篤愛士民大圍隄水決屢請帑督修值粵寇窺楚防辦
妥速剿除土匪良善無擾陞岳常澧守道賑卹如法官

龍陽縣志

卷之十五

職官二

名宦

十九

湖南巡撫創行社倉奉祀名宦

孫翹澤字春膏貴州人同治初年任常德知府盡心民瘼
勘災發賑實惠遠民尤愛士振拔必才官况清苦猶捐
丁卯鄉試合郡士子試卷士民懷之

瑞 琛字熙儒滿洲人同治初官常德知府清廉慈惠興
除利弊無稍回惑龍邑水災輕舟履勘吏無敢飾築大
護隄捐釐務一千金助修事賴有成玩任長沙知府

王 萃山西曲沃進士康熙朝知龍陽縣政行簡肅儉樸
為先 舊志

郭連城福建舉人學術淵宏任龍陽縣 兩載誠慎自矢歲早

步拜禱雨清夜告天大雨隨至康熙甲寅吳逆陷城計全印無所之幾撞首死扶免義拒偽職稱一時砥柱云

舊志

李滋奇遼東人知龍陽縣事為治多寬厚逃亡漸復

舊志

蔡蔭遼東人知龍陽縣事潔已愛民畱心地方興利除

弊省農疇慎刑獄培養士類予遺亦得蘇息

舊志

鍾靈秀廣西賀縣拔貢由學博陞任龍陽初至不諳堂規

吏誚以迂濶嗣首揭戶吏徵稅之弊咸悚慄稱明錮弊

悉除催科喚訊創用木符皂吏按程計限無違時日者

撫憲趙恭毅公廉知其政以賢能立調赴郡總理堂事

龍陽縣志

卷之十五

職官二

名宦

二十

公暇輒試士於明倫堂辨論文藝縣試首拔張生謁見

具歷卷陋規銀八十揮卻之其他陋例洗除殆盡後委

署甯鄉篆抵甯三里家訃至吏請上任當獲規禮銀可

資歸費公泣曰烏有匿親之喪而忍以圖利者即馳歸

時恭毅已首薦公矣公任無幕友凡讞斷詳批俱出手

裁文字雅潔人寶藏之

府志

周大璋江南桐城人雍正間名進士任龍陽縣以文學飾

吏治邑人慕之

府志

譚岑江西南豐舉人知龍陽縣事嚴正有為剔弊釐奸

蒞任七載盜賊屏息囹圄一空

府志

高承元四川重慶解元知龍陽縣事歷任清簡以廉能著

名續邑志

惠人字里東陝西清澗縣進士知龍陽縣事有學行著

有袖口紐一書舊志

葉元祺浙江金華舉人知龍陽縣為政平易以清慎自矢

顏其堂曰屏四捐俸修理書院並謀膏火為經久計後

以調陞未果府志

何夢枚福建侯官舉人知龍陽縣居官清察明敏時軍務

旁午毫不累民歲餘以憂去官橐蕭然士民頌之府志

陳國瑞廣東保昌舉人任龍陽縣學問宏博優禮紳士捐

龍陽縣志

卷之十五

職官二

名宦

三

俸倡修奎星樓文昌閣學校多所培植府志

張拱極山西人乾隆四十一年署龍陽仁恕廉明優禮士

類訊期一出不易曰不可示民不信神於斷獄洞悉吏

胥悍蠹人人悚息邑王某將鬻妻以償官欠即為捐貲

代償暇則向耆民詢邑中利病訓子最嚴常曰我家無

立錐汝當勉力自立吾不能受一文枉法錢遺汝也調

鑿澗陽琴轍泣送者盈路續邑志

趙嘉程號純齋漢軍正藍旗人官龍陽潔己自愛為政清

簡治獄明決時嘉慶元二年間苗匪方訐軍需旁午公

堅忍擔荷不合擾民衣裳典盡邑紳殷實各解橐以助

有魚販者送錢四百公詰之曰吾何德於爾亦若此乎
對曰憲爲民窘何忍坐視創修園隄大濶多利民之政
去後人咸思之不置

福 順號介軒滿洲正白旗人以刺史職委署龍陽有廉
聲興廢舉墜修西竺山墨池置北門河義渡置田十七
畝零又續修園隄趙公濶民賴其利號福公濶有碑紀

事

張建翎字儀瞻江西南昌人道光乙未進士知龍陽縣值
水災賑濟如法全活多移官武陵亦遇大祲辦賑尤竭
心力署澧州直隸州事均有惠政前後官龍陽六年清

龍陽縣志

卷之十五

職官二

名宦

三

廉仁恕好獎勵士類公餘輒詣書院爲諸生講說以端
品勤學爲訓課文藝改削如塾師邑中丙午以後科第
多出其門

李昌瑞字祥如宛平進士咸豐初知龍陽縣實心愛民限
錢糧在櫃徵收永爲定式課農勸災無絲毫擾民有爭
訟立爲審白無畱獄無冤繫性情高潔時詣書院入諸
生齋爲講論不輟閒輒飲飲輒醉聞人勢利語必擲掄
之廚無炊傳無供不顧也無何挂冠徑歸論者以爲神
曠千里不可束縛正如龐士元虞仲翔一輩人

于象謙字吉六甘肅人由諸生官龍陽知縣性情慈惠推

恐枉民伯母家豐聞其清苦時寄朱提爲服食用在官
樸約內署無兼味著統綺者儉役數人而已

饒樹恆字藥齋臨江舉人同治間知龍陽縣苞苴不染官
况蕭然時縣署毀於兵燹增址修建以避水患富民
其慈惠咸樂捐助署成不廢公家一錢歷署湖南他邑
士民慕頌不異沅濱有重修縣署碑記見藝文

陸運景字典丞始官江右訓導由軍功保薦知龍陽縣事
和易廉平士民傾頌

黃教鏞字子治漢陽人同治間知龍陽縣事儒雅方潔惠
愛士民興學課農勘災聽訟一以實心行之創修大護

龍陽縣志

卷之十五

職官二

三三

隄爲邑三面一大保障懲艾土匪仁勇並施黃漢南士
族家學樸茂出處合符詰廟蒸蒸允洽輿頌

陳子連黃陂人官龍陽教諭才分英敏雅愛賢士訓課有

方舊志

屠用震孝感舉人官龍陽教諭整飭學綱士氣一伸

蔣邦伯甯鄉舉人官龍陽教諭安詳有度勤於教誨時學
官傾圯特集紳士屢詳折修約費數千金不私一文任

滿陞知直隸深澤縣

楊茂綸湘陰舉人官龍陽教諭時 崇聖祠猶仍舊規公

同邑侯惠人協鎮甘國寶倡士民殷實捐貲改正並移

修明倫堂雲路等門工竣以憂去

何震璣號鼎嶽華容人乾隆辛酉亞元官龍陽教諭家貧

嗜讀書著有文草邑侯戴為捐俸梓行

屈登峻永定人官龍陽教諭補品訓士雖燕居不苟言笑

卒於官

翁 炯湘潭舉人官龍陽教諭藺靜有度寡言笑審取與

歷任十餘載捐修學署培植宮牆後陞寶慶教授

周榮幹新化副榜官龍陽教諭性敦厚廉靜寡欲有古人

風經術湛深允為學者楷模

周 誥字午橋道州舉人道光朝官龍陽教諭兼掌教龍

龍陽縣志

卷之十五

名宦

二

池書院課士首重躬行文取清真其詭異者不錄任龍

十八年年七十餘推陞府教授品端學正士類重之

周金鐸字蓮丞善化副貢咸豐間官龍陽教諭兼掌教龍

池書院時陽湖輝中丞復行社倉之法公沿鄉勸捐事

賴有成後推陞府教授

田夢張公安人康熙朝官龍陽訓導有修學宮諸績

張應星枝江人官龍陽訓導賦性渾樸卓然典型

文遵古湖北江陵人由貢士選授訓導有幹濟才達於治

理時郡守王公詡修飭大園隄聞公能持重以隄工委

之因士程工好猾斂手

易方拔甯鄉人官龍陽訓導靜重自持喜培植人材捐數

百金修學宮兩庠呈請祀名宦

府志

劉穎新化貢生官訓導殫心訓迪正直和藹於師弟之情最篤

李正玉乾州廳人官龍陽訓導性灑脫豪俠不役役於財利歷任五年卒於署

張憲字鐵甫安仁人嘉慶癸酉舉人官龍陽訓導性情

和厚不為城府學術尤精博所居署齋褊小寒暑宵半恆篝鐙課子孫講解經義聲如洪鐘聽者立牆外能了愛稱許才士每聞聰穎年少必召之往往則課所學善

龍陽縣志

卷之十五

職官二

名宦

三

為嘉許片言不遺由獎借成名者指不勝屈庠序頌之

劉士先字厚甫滋浦舉人咸豐初官龍陽訓導兼掌教龍池書院時有捕蝗之令公偕邑侯李昌瑞下鄉督辦又幫辦團練事勤於在職現推升沅州府教授

徐起晟紹興人雍正朝任典史有才幹善書法喜紳士賄賂不行時用師苗疆南北之兵來往如織委辦船差調遣有序庫給均平數年之間人樂趨赴政績一新

王維新浙江山陰人年未二十効勞工部差修長城工竣以吏選任龍邑典史清潔自愛民事務得其情財利不

苟受後以丁艱告去

續邑志

華承恩關東人雅好培植後擢廣東副將舊志

王業衡浙江人武舉工詩善書舊志

張英奇山西人庚午武狀元鎮靜不擾按舊志英奇一作奇英

王允吉四川安岳人在洞庭協副將氣體偉岸善飲精騎

射嚴於馭兵每巡湖必躬督汛兵捕緝洞庭巨寇皆聞

風遠邁康熙五十六年歲旱米貴公稟督憲借司帑

銀選幹丁發戰船五號許帶軍器買米沙市回營故給

餘以借買民間除水腳費用外不許濫加一文時湖西

米舟多被阻勒以隨營船來者甚眾故辰常米價不致

騰貴後陞川北鎮尋致仕歸

龍陽縣志 卷之十五 職官二 名宦 三

甘國寶福建古田人武進士以善畫名兵民兩惠

蘇振興廣東東莞人蒞任安靜

戴朝幹江南休甯人工詩輯兵甯民舊志

王永章字綬卿甯鄉人以軍功游 授提督 賞戴花翎

同治癸酉署湖南提督軍門初江右陸公典丞合龍陽

軍門督兵勇駐縣西堵勦會匪壬申夏大水城西南當

其衝有鶯隄者圍田萬餘畝戶以千計隄為水蝕裂其

一面未傾者纔一綫土欽欽有聲軍門率兵勇往援之

勢殆甚皆欲走軍門叱曰萬家生死所關忍走耶有散

者斬乃身卧極危險處洪濤漲衣無寸纓乾者久之風

畧低水退寸許軍門曰隄可救矣急令兵勇協居民昇木板葺柴護之隄遂如故時江夏黃公來尹龍下車卽議修營隄軍門已履任常德惟舊僚提督胡公提鎮樊公參戎張公等督勇在營均仍舊式極力協修督工倍隄長六月大水又至冷水諸障將潰乃嚴檄營僚樊張諸公力救諸公身先兵勇伏極險處督護水洶洶滅頂過衣面皆溼久之隄又克全秋歲大有黃公乃創修營隄軍門又檄營僚督兵勇協修勤逾百姓障民感奮萬鍾億杵囊鼓莫逮隄成屹然名曰大護隄萬家頂祝上游聞其偉烈嗟異馳告褒典有加邑民勒石述德

龍陽縣志

卷之十五

職官二

名宦

三

擬生祠焉

神記見藝文

謹案親民之官頌聲易作乃由漢魏迄元明千三百餘年吾邑長官姓字其入名宦循良兩傳者不少概見而青惠烈獨赫然以丞簿廟食茲土垂聲無窮豈廉吏不可爲而不爲歟抑文獻銷蝕無從考見歟

國朝澄敍官方蒞茲邑者率多幹潔慈惠然或不及久任輒受代去雖有仁人無由永播厥施顧嘉道以來其遺愛在民者口碑竹牘閭里勒之未忍諼也若戎畧知名遐著邊勳邇樹湖蔽士民多能道之雖袁邵公入長三公而陰平之聲未艾劉武穆出守經畧而岷牧之烈如

新舊志有官蹟政畧一門今謹從其後備書焉